



AKCIJA 'STORAGE 2' Izvršeni pretresi na 50 lokacija u pet gradova u RS

SIPA hapsila članove narkokartela

Uhapšeno 19 pripadnika grupe Milivoja Lovrenovića Čaruge iz Bosanske u Srbiji i BiH • Informacije prikupljene na osnovu dešif

Gradiške, koji je osumnjičen za brojne likvidacije ranija poruka iz aplikacije „Sky“

U opsežnoj akciji kodnog naziva „Storage 2“ pripadnici **Državne agencije za istrage i zaštitu (SIPA)** i MUP-a RS uhapšili su 19 osoba te izvršili pretrese na više od 50 lokacija na području Banje Luke, Bosanske Gradiške, Bijeljine, Doboja i Bosanskog Novog.

Objavljen spisak

Sumnja se da su uhapšeni u prethodnom periodu izvršili krivična djela organizirani kriminal, neovlašten promet opojnih droga, neovlašten promet oružja i vojne opreme i krijumčarenje ljudi.

U Bosanskoj Gradišci uhapšeni su Aleksandar Vitez (47), Filip Munjeran (30), Goran Gvozden (39), Dražen Karan (48), Dragoslav Radaković (58), Darko Vujić (50), Kostadin Balaban (29), Veljko Ugrenović, Savo Dragišić (35), Nikola Ilišević (41), Mladen Grbić (43), Saša Vidović (31) i Goran Vidović (56) te njihov sugra-

danin, suspendirani pripadnik policije Dragan Gavrilović (41).

Također su uhapšeni Radoslav (65) i Saša Narančić (38) iz Srpcu, Banjalučanin Nebojša Tojagić (41), Radivoje Lekić (34) iz Laktaša te Dario Taškov (33) iz Bosanskog Novog.

Nisu pronađeni Dušan i Milivoj Lovrenović, Predrag Petković, Jovica Grujić, Dario Jekić, Vladica Pavlović i Predrag Stanišljević.

Uhapšena je grupa opasnog kriminalca Milivoja Lovrenovića, koji je u bijegu od novembra ove godine, kada je izvršen pretres na njegovom imanju u Bosanskoj Gradišci. Bh. javnosti poznat je po snimku na kojem je u pijanom stanju hodao i pucao u centru Bosanske Gradiške slaveći rođenje unuka.

Milivoj Lovrenović zvan Čaruga osumnjičen

je za brojne likvidacije u Srbiji i BiH.

Informacije o osumnjičenima prikupljene su na osnovu dešifriranja poruka iz aplikacije „Sky“.

Riječ je o aplikaciji zbog čijih je poruka u panici direktor OSA-e Osman Mehmedagić.

Izdvojen DNK

Ranije je u akciji „Transporter“ uhapšeno sedam osoba. Među njima i Bojan Cvijetić, koji je bio savjetnik tadašnjeg ministra sigurnosti Dragana Mektića. Kod njega su pronađeni povjerljivi podaci OSA-e. Tada je zaplijenjeno i 300 kilograma marihuane.

Prema informacijama „Avaza“, MUP RS je u posjedu pola tone droge od decembra prošle godine, a na osnovu DNK analize, utvrđeno je da pripada Lovrenovićima.

Iz Tužilaštva BiH saopćeno je da uhapšene terete za međunarodno krijumčarenje droge i oružja.

Pripadnici grupe djelovali su u više zemalja i komunicirali zaštićenim aplikacijama. Teretimo ih da su duži period krijumčarili drogu iz Albanije i Crne Gore u BiH, a potom za Hrvatsku, Sloveniju, Mađarsku i Njemačku - saopćeno je iz Tužilaštva BiH.

M. AŠČIĆ
- O. MATAVULJ

Pronađeni laboratorij i skoro 100.000 KM

Tokom pretresa jučer je u Bosanskoj Gradišci pronađen improvizirani laboratorij za uzgoj droge s pratećom opremom, a oduzeti su i skoro 100.000 maraka u ra-

zličitim valutama, četiri puške, dva pištolja i municija. Također su oduzeti mobilni telefoni, SIM kartice i memorijski uređaji, kao i dva vozila.



Laboratorij za uzgoj marihuane



Lovrenović: U bijegu



Pripadnici MUP-a RS: Pretresi na više lokacija